

Innkaupareglur Rangárþings ytra

I. KAFLI. TILGANGUR, GILDISSVIÐ OG ÁBYRGÐ.

1. GR.

TILGANGUR

Reglur þessar eru settar til að stuðla að vönduðum og hagkvæmum innkaupum Rangárþings ytra og tryggja gæði vörum, þjónustu og verka sem sveitarfélagið kaupir. Ennfremur skulu reglurnar stuðla að því að litið sé til umhverfissjónarmiða og líftíma vörum við innkaup.

Reglum þessum er ætlað að stuðla að því að Rangárþing ytra hagi innkaupum sínum í samræmi við góða viðskiptahætti og tryggja að stjórnsýsla á sviði innkaupa sé vönduð.

Reglum þessum er ætlað að stuðla að því að almennar kröfur um stjórnfestu og fyrirsjáanleika í framkvæmd, gagnsæi, jafnræði og málskotsrétt séu virtar við innkaup.

Sveitarstjóri og allir forstöðumenn stofnana skulu hafa frumkvæði að því að samræma innkaup Rangárþings ytra þegar um er að ræða vörum eða þjónustu sem stofnanir sveitarfélagsins hafa almennt not fyrir.

2. GR.

ORDSKÝRINGAR

Innkaup: Kaup á hvers kyns aðföngum, þ.e. kaup á þjónustu, vörum og verklegum framkvæmdum.

Útboð: Innkaupaferli þar sem hvaða fyrirtæki sem er getur lagt fram tilboð. Undir hugtakið útboð falla heiti þar sem lýst er því sem boðið er út, eins og þjónustuútboð, verkútboð, vörúutboð, en einnig heiti eins og alútboð, samkeppni, hönnunarsamkeppni, tveggja ásfanga keppni og útboð með tveggja umslaga kerfi. Forval er hluti útboðsferils.

3. GR.

GILDISSVIÐ

Reglur þessar gilda fyrir Rangárþing ytra og allar stofnanir, deildir og fyrirtæki sem rekin eru af sveitarfélagini.

Öll innkaup á vörum og þjónustu sem eru hærri en 400 þúsund krónur skulu vera samþykkt af viðkomandi forstöðumanni og sveitarstjóra/fjármálastjóra.

Innkaupareglum Rangárþings ytra skal fylgt við öll stærri innkaup, sem og lögum um framkvæmd útboða nr. 65/1993 og lögum um opinber innkaup nr. 84/2007 þegar við á.

II. KAFLI. SAMNINGAR OG INNKAUPAAÐFERÐIR

4. GR.

SAMNINGAR OG FJÁRHÆDIR

Meginreglan er sú að beitt skuli útboðum við innkaup. Þegar áætluð samningsfjárhæð verklegrar framkvæmdar er yfir 15 milljónir króna skal útboð viðhaft. Ef áætluð fjárhæð kaupa á þjónustu fer yfir 5 milljónir króna eða yfir 3 milljónir króna vegna vörukaupa skal sömuleiðis viðhafa útboð. Allar tölur eru án virðisaukaskatts. Þegar áætluð samningsfjárhæð er yfir viðmiðunarþjárhæð vegna opinberra innkaupa á EES svæðinu skv. reglugerð nr. 807/2007 skal viðhafa útboð á EES svæðinu með þeim áskilnaði sem getur um i lögum nr. 84/2007. Við mat á ætlaðri fjárhæð samnings skal telja með allan kostnað innkaupa miðað við þann tíma þegar auglýsing um innkaupin birtist. Sé fyrirhugað að kaupa vörum, þjónustu eða verk í áföngum skal miða við samanlagt heildarverð allra ásfanga sem boðnir eru út. Öheimilt er að skipta innkaupum niður með einum eða öðrum hætti til að lækka fjárhæð, eða áætlaða

fjárhæð innkaupa í þeim tilgangi að komast hjá útboði/verðfyrirspurn. Þannig er t.a.m. óheimilt að skipta innkaupum milli tímabila og skipta eða láta skipta reikningum frá seljendum niður í smærri einingar.

Sveitastjóri skal annast alla samningsgerð í frambahdi útboða og verðfyrirspurna sé ekki annað ákveðið sbr. 6. gr.

Óheimilt er að gera ótimabundna samninga.

5. GR. INNKAUPAÐFERÐIR

Við innkaup sveitarfélagsins skulu eftirfarandi innkaupaaðferðir notaðar:

- Fyrirspurn og samningur/pöntun í kjölfarið.
- Útboð, opið eða lokað, og samningur/pöntun í kjölfarið.
- Innkaup samkvæmt rammasamningi.
- Samningur eða pöntun án undangengins útboðs eða fyrirspurnar.

Við innkaup sveitarfélagsins er einnig heimilt, þar sem við getur átt, að beita eftirtöldum aðferðum:

- Samningskaupum að undangenginni birtingu útboðsauglýsingar.
- Samningskaupum án undangenginnar birtingar útboðsauglýsingar.
- Samningskaupum vegna hönnunarsamkeppni.

6. GR. UMSJÓN OG ÁBYRGÐ INNKAUPA / ÚTGJALDAHEIMILDIR

Sveitarstjóri er prókúruhafi sveitarfélagsins, sbr. 3. mgr. 55. gr. sveitarstjórnarlaga nr. 45/1998. Sveitarstjóra er heimilt að veita öðrum starfsmanni sveitarfélagsins prókúru að fengnu samþykki sveitarstjórnar. Sveitarstjóri og fjármálastjóri hafa yfirumsjón með öllu forvali, útboðum og fyrirspurnum sem og samningskaupum.

Forstöðumönnum er heimilt að stofna til útgjalda fyrir hönd sveitarfélagsins innan ramma fjárhagsáætlunar hverju sinni og bera þeir ábyrgð á innkaupum sinna stofnana í samráði við sveitarstjóra og fjármálastjóra. Gætt skal að ákvæðum 4. mgr. 1. gr. reglna þessara um samráð. Innkaup og samningar um verk skulu gerðir af framangreindum yfirstjórnendum eða forstöðumönnum stofnana í nánu samráði við þá.

Forstöðumenn geta með samþykki sveitarstjóra veitt einstökum starfsmönnum heimild til að stofna til útgjalda. Öllum sem heimild hafa til að stofna til útgjalda ber að staðfesta að þeir hafi kynnt sér efni innkaupareglina sveitarfélagsins og að þeir muni fylgja þeim við innkaup.

Sveitarfélagið heldur skrá yfir þá starfsmenn sem hafa heimild til að stofna til útgjalda og ber fjármálastjóri ábyrgð á að viðhalda skránni.

III. KAFLI. ÚTBOÐ OG FYRIRSPURNIR

7. GR. OPÍÐ ÚTBOÐ

Þegar um er að ræða kaup á verki eða þjónustu sem margir geta framkvæmt eða veitt, eða vöru sem margir selja eða geta útvegað, skal almennt viðhafa opið útboð.

8. GR. LOKAÐ ÚTBOÐ

Þegar opnu útboði verður ekki við komið, það þykir ekki hagkvæmur kostur eða aðrar málefnaðar ástæður eru fyrir hendi, er heimilt að viðhafa lokað útboð. Almennt skal lokað útboð ekki viðhaft nema að undangengnu forvali. Þegar lokað útboð er viðhaft skal leitast við

að ná fram raunhæfri samkeppni og því skal lágmarksföldi þáttakenda vera fjórir, ef þess er nokkur kostur.

Þegar um er að ræða vandasöm, faglega og/eða tímalega krefjandi og/eða fjárfrek verk skal tryggja eins og kostur er að væntanlegir bjóðendur hafi bæði faglega og fjárhagslega getu til að framkvæma viðkomandi verk.

**9. GR.
FORVAL**

Þegar forval er viðhaft til að velja þáttakendur í lokuðu útboði, samkeppni eða samningskaupum, skal þess krafist i forvalsgögnum að umsækjendur leggi fram upplýsingar sem sýna getu þeirra til að taka að sér verkefnið. Þannig skal i forvalsgögnum koma fram með skýrum og greinargöðum hætti hvaða gagna eða upplýsinga er krafist frá umsækjendum og hvernig verði staðið að vali að þáttakendum. Hægt er að takmarka fjölda þáttakenda í útboði, samkeppni eða samningskaupum, t.d. þannig að i forvalsgögnum komi fram að aðeins umsækjendur sem uppfylla tilteknar lágmarkskröfur fái að taka þátt í því eða að aðeins tiltekinn fjöldi fái þáttókurétt.

**10. GR.
LOKAÐ ÚTBOÐ ÁN FORVALS**

Viðhafa má lokað útboð meðal valdra bjóðenda, án forvals, enda liggi málfnalegar og gildar ástæður því að baki.

**11. GR.
AUGLÝSING ÚTBODA**

Útboð skal auglýsa opinberlega. Í auglýsingu skal koma fram hvar og hvænær útboðsgögn eru til afhendingar, hver kaupandi er, hvað boðið er út, hver frestur er til að skila tilboði og skilatími þess sem verið er að bjóða út.

Við lokað útboð skal senda orðsendingu um útboðið til þeirra sem kaupandi gefur kost á að gera tilboð. Í orðsendungunni skal, auk þess sem tilgreint er í 1. mgr., koma fram hvaða aðilum er gefinn kostur á að gera tilboð.

**12. GR.
ÚTBOÐSGÖGN**

Útboðsgögn skulu innihalda allar nauðsynlegar upplýsingar svo unnt sé að gera tilboð. Frestur til að skila tilboði skal alltaf vera hæfilegur miðað við umfang þess sem boðið er út. Í útboðsgögnum skal skýrt koma fram hvernig tilboð verði metin og hvaða forsendur verði lagðar til grundvallar vali á samningsaðila.

**13. GR.
FYRIRSPURNIR**

Þegar ekki er viðhaft útboð eins og meginreglan í 1. mgr. 9. gr. kveður á um vegna innkaupa vöru, verka eða þjónustu skal fyrirspurn almennt vera undanfari viðskipta. Skylt er að fyrirspurn sé undanfari viðskipta þegar áætluð fjárhæð innkaupa vegna verklegrar framkvæmdar er yfir 3 milljónir króna, yfir 2 milljónir króna þegar um þjónustu er að ræða, en yfir 1 milljón króna þegar um vörukaup er að ræða. Öll viðmiðunarverð eru án virðisaukaskatts. Forstöðumenn stofnana eða yfirstjórnendur annast fyrirspurnir á vörum og þjónustu fyrir stofnanir, deildir og fyrirtæki Rangárþing ytra, nema annað sé ákveðið, sbr. ákvæði 6. gr. Fyrirspurn er framkvæmd, þar sem útboð er ekki talið eiga við, til að afla tilboða frá tilteknum aðilum sem taldir eru geta útvegað vöru, veitt þjónustu eða framkvæmt verk, sem óskað er eftir hverju sinni. Þrátt fyrir að fyrirspurnir séu óformlegri en útboð, samkvæmt þeim lögum sem um þau gilda, skal tilboða aflað á grundvelli skriflegra fyrirspurnargagna og tilboð skulu einnig vera skrifleg. Heimilt er að senda út fyrirspurnir og taka við tilboðum í fyrirspurnir með símbréfi og/eða tölvupósti. Málsmeðferð öll skal vera vönduð,

fyrirspurnargögn skulu vera skýr og greinargóð og skýrt skal koma fram ef meta á tilboð á öðrum forsendum en verði einu saman. Opnun tilboða/verðfyrirspurnar, á tilsettum opnunartíma, skal skráð af starfsmönnum. Samanburðarskrá tilboða skal gerð og þáttakendur skulu upplýstir um val á tilboði og tilboð annarra aðila.

14. GR.

UNDANÞÁGA FRÁ ÚTBOÐI OG/EÐA VERÐFYRIRSPURN.

Heimilt er að veita undanþágu frá útboði og verðfyrirspurn ef ríkar ástæður eru fyrir hendi, svo sem ef búnaður fæst eingöngu hjá einum aðila. Sveitarstjóri getur veitt undanþágu frá útboði.

IV. KAFLI. MAT Á TILBOÐUM OG SAMNINGSAÐILUM

15. GR.

MAT OG VAL Á TILBOÐUM/SAMNINGSAÐILUM

Ætið skal taka því tilboði sem hagkvæmast er miðað við kröfur í útboðslýsingi, lög og reglur. Ef hagstæðasta tilboð er ekki jafnframt lægsta tilboð skal það rökstutt sérstaklega. Í útboðsgönum skal tilgreina forsendur fyrir vali tilboðs með eins nákvæmum hætti og framast er unnt. Í forsendum má ekki vísa til annarra atriða en staðreynd verða á grundvelli gagna sem bjóðendur leggja fram eða með öðrum hlutlægum hætti. Við gerð útboðsgagna skal taka mið af umhverfissjónarmiðum, m.a. liftímakostnaðar, þar sem það á við. Kaupandi skal meta tilboð á grundvelli þeirra forsendna fyrir vali tilboðs sem fram komu í upphaflegri útboðslýsingi eða skýringargögnum og skal velja hagkvæmasta tilboð. Kaupanda er heimilt að óska eftir því að sá þáttakandi sem á hagkvæmasta boð skýri atriði í tilboði sínu eða staðfesti tilteknar skuldbindingar sem þar hafa komið fram, enda leiði það ekki til þess að grundvallarþáttum í tilboðinu, eða útboðsauglýsingi, sé breytt þannig að samkeppni sé raskað eða um mismunun verði að ræða. Leggja skal fram rökstuðning með tillögu um val á samningsaðila.

16. GR.

FJÁRHAGSSSTAÐA BJÓÐENDA/VIÐSEMJENDA

Fjárhagsstaða bjóðanda skal vera það trygg að hann geti staðið við skuldbindingar sínar gagnvart sveitarfélaginu. Óheimilt er að gera samning við þann sem eftirfarandi á við:

1. Sætir nauðasamningum eða er undir gjaldþrotaskiptum.
2. Er í vanskilum með opinber gjöld.
3. Er í vanskilum með eigin lifeyrissjóðsiðgjöld eða iðgjöld til lifeyrissjóðs.

Óheimilt er að greiða viðsemjanda vegna verks eða þjónustu fyrr en fullnægjandi samningsefndatrygging liggur fyrir og samningur er frágenginn.

Heimilt er að gera kröfur um jákvæða eiginfjárvistöðu tilboðsgjasa í útboðum.

Heimilt er að kanna viðskiptasögu eigenda. Leiði sú könnun í ljós að eigandi eða fyrirtæki hans hafi lent í greiðslu- eða gjaldþroti, sl. fimm ár (gjaldþrot, nauðasamninga, greiðslustöðvun o.fl.) ber að vísa bjóðanda frá, enda eigi í hlut sams konar rekstrareining, með sömu eða nær sömu eigendur, í sömu eða nær sömu atvinnustarfsemi, en með nýja kennitölu.

17. GR.

MEÐFERÐ REIKNINGA VEGNA INNKAUPA

Í skriflegum samningum um innkaup á verkum, vöru eða þjónustu skal skýrt kveðið á um reikningsgerð og greiðslutilhögun.

V. KAFLI. ALMENN ÁKVÆÐI

18. GR.

HÆFIS- OG SIDAREGLUR

Enginn starfsmaður Rangárþings ytra eða fulltrúi í nefnd, ráði eða stjórn á vegum sveitarfélagsins má eiga aðild að ákvörðunum um innkaup, sem varða aðila sem þeir eru náskyldir eða í hagsmunatengslum við. Ber starfsmanni eða nefndarfulltrúa að hafa frumkvæði að því að gera viðvart um ástæður er kunna að valda vanhæfi hans, sbr. hæfisreglur 19. gr. sveitarstjórnarlaga.

Starfsmönnum Rangárþings ytra og fulltrúum í nefndum, ráðum eða stjórnnum á vegum sveitarfélagsins er óheimilt að þiggja boðsferðir og gjafir sem tengjast viðskiptum við Rangárþing ytra nema með samþykki sveitarstjóra.

Allir starfsmenn er koma að innkaupum og innkaupamálum skulu gæta þagmælsku um það sem þeir fá vitneskju um í starfi sínu og leynt á að fara vegna viðskiptahagsmuna eða af öðrum ástæðum sem leiða af lögum eða eðli máls.

19. GR. TENGDIR ADILAR

Almennt eru tengdir aðilar aðal- og varamenn í sveitarstjórn auk æðstu stjórnenda sveitarfélagsins. Makar þessara aðila, ófjárráða börn og aðrir fjárhagslega háðir einstaklingar falla einnig hér undir ásamt fyrirtækjum í eigu eða undir stjórn þessara aðila.

Sveitarfélagið heldur skrá yfir tengda aðila og ber fjármálastjóri ábyrgð á að viðhalda skránni. Viðskipti sveitarfélagsins við tengda aðila skulu vera á sömu forsendum og þegar um óskylda aðila er að ræða, s.s. varðandi einingaverð. Að öðru leyti gilda ákvæði 18. gr. um hæfis- og siðareglur.

20. GR. KÆRU- OG ENDURUPPTÖKUHEIMILD

Sé um að ræða innkaup sem falla undir lög um opinber innkaup nr. 84/2007, sbr. 10. gr. og IX. kafla laganna, er aðila heimilt að kæra til kæruncfndar útboðsmála. Kæra skal borin skriflega undir kærunefnd útboðsmála innan fjögurra vikna frá því að kærandi vissi eða mátti vita um þá ákvörðun, athöfn eða athafnaleysi sem hann telur brjóta gegn réttindum sínum. Alltaf er þó heimilt að bera kæru undir kærunefnd útboðsmála innan 15 daga frá því að rökstuðningur skv. 75. gr. laganna er veittur.

Telji bjóðendur eða seljendur vörum, verka og þjónustu að á sér hafi verið brotið eða meðferð innkaupamála Rangárþings ytra sé ábótavant, er aðila heimilt að óska eftir endurupptöku máls ef ákvörðun hefur byggst á ófullnægjandi eða röngum upplýsingum um málsatvik eða ákvörðun hefur byggst á atvikum sem breyst hafa verulega frá því að ákvörðun var tekin. Beiðni um endurupptöku skal beina skriflega til sveitarfélagsins, innan þriggja mánaða frá birtingu ákvörðunar.

21. GR. GILDISTAKA OG ENDURSKODUN.

Reglur þessar öðlast gildi við samþykkt þeirra í sveitarstjórn Rangárþings ytra þann 11. Mars. 2010. ~ hefur holtar um ~ 231. fram lið/maí 2015

Fjárhæðir í reglum þessum skulu breytast til samræmis við breytingar á byggingarvisitölu frá gildistöku reglnanna.

Örn Þórðarson
sveitarstjóri.

